



馬支本誦話

録僧畫
劉士顯

中華民國十一月出版

(定價大洋五角五分)



著作兼

發行者

程善之

印刷者

江南印刷廠

總經售處

上海英大馬路口望平街江南書局

自序

天銷劫石。靈鵲無橋。地折崑崙。巨鼃失峙。怨嫦娥之冷落。仙藥無靈。話佛土之莊嚴。優曇一現。嗚呼。次公得酒。雖醒而狂。士龍臨文。有癖在笑。心負萬里。壽促百年。觥觥今古。對明鏡而滋慚。斷斷是非。睇墓門而短氣。夫孰致此。天實爲之。又况年華送老。豪情避哀樂之潮。家室累人。兒女奪詩書之席。復值民潰梁都。鬼謀曹社。天飛殺戮。人避魚羊。琴絕廣陵之散。笛悲山陽之弄。眇眇舊族。渡江水而懷沙。毛薛上賓。望夷門而隕涕。蓋觀於夢者。且異平生。接於形者。遑論新故。此則聞見所及。神魂爲銷。蒲柳之質。所以望秋先零。燿燿之光。所以未霜而暗者也。然而耳目故在。骨肉未寒。以云出世。則塵障不銷。以云埋憂。則后土不載。不有自遣。何聊厥生。是斯編之所以作也。先生烏有公子憑虛。義取駢枝。名標餘話。若者蜃樓海市。若者風馬雲車。若者北里揚鞭。若者南山射虎。若者車輪懸虱。巧蓄三年。若者棘刺爲猴。齋逾三日。亦有李波小妹。共轡大道之弓。郭

解舍人。怒斷書生之舌。感激知己。鍾期絕伯牙之琴。急難友生。伯桃發荊卿之塚。尤有十洲邈遠。九裔侏離。奇肱縱其飛車。刑天舞其干戚。薔薇紅白。美人結壯士之襟。百合蒼黃。總統誤孱王之策。更或秋士述懷春之思。春女寄悲秋之怨。紅蠶寸寸。吐恨爲絲。金線年年。織愁成綺。要皆無有典要。惟託寓言。旣以自娛。兼之玩世。譬之縷冰。爲綵。豈關水德之真。漾日垂虹。寧屬雨師之巧。嗚呼。壑舟何世。石火何時。生旣苦其無涯。學安期其有用。漂零桃梗。或有同情。辛苦蓼蟲。豈無共味。不知許事相逢。且食蛤蜊。若論賞音。今夕只談風月。

駢枝餘話目錄

扶觥翁

莊鏡芬

宣城老父

龍金

秋雲女士

馮將軍軼事

紅淚

烏異

燕支

賣解人

繡衣女郎

陳打虎

櫻兒

爪哇客

阿玉

聽潮

何飛熊

夢月

布衣翁

金樹

蕭生

山人

徐子卿

邢好好

記影戲

歸雲

孫北山

記怪

記馬

采菱

馬九

雛鴛

間鴛

電兒

俄國貴族

程真如

醉鄉亭長

楊嘉樹

秦憶雲

湯生

侍王

程冲斗

褚彪

陳烈女

張生

巨蠍

詩塚

風道人

藍履中

葛蕙珠

隼娘

臧成

新情史

東陵公子

薛海峯

梨雲

記牛

廣鴛鴦

某君軼事

詩怪

文鴛

夫已氏軼聞

珊兒

侶梅

爭婦

月兒

鷗波

秦客

巾生

蛇人

戲枝餘話 目錄

赤蝎

紅葉道人

却灰和尚

李振武

韓七

扶乩翁

吾鄉。毫壽之間。最稱樸。儻軍興以來。一二識時務者。因勢乘便。獵取功名。於是亦有所謂英烈者矣。其在天下。衡量輕重。比絜長短。或不過牛毛。鴈羽。要不失爲一方之豪也。自豪之興。不過期月。而風俗趨變。向之所斤斤於仰事俯畜。與夫錙銖尺寸者。漸代以自由平等之名。詞蓋轉移之力。懋焉其守死不變者。率倖僚無聊落拓。不羈之士。窮而無所。則遁於支離荒幻。以相眩。若所聞扶乩翁者。亦其一也。翁初讀書爲儒者。兼業醫。顧文有名。而醫術則不甚售。平時以所能者自給。未嘗爲師巫也。行年五十一。旦忽自暴於衆。謂能通神。請仙設壇。里人走其門。決疑問病者。無虛日。咸謂其方藥信有神也。則相與翁之曰。扶乩翁云。某豪者以軍事起家。素剛烈。自以文明人。屏除迷信。顧其妻則小。家女頗崇奉靈怪。嘗譴微疾。聞人言翁則走祈之。翁爲乩書藥方。一豪既歸。見藥在爐間而知之。怒曰。婦人短識。乃惑此老魅耶。蹴藥爐碎之。洶洶趨出。直抵翁所。遙望見堂上十餘人。寬衣大袍。拱而立。香氣繚繚。彌一室。益忿。揎拳徑前。欲毀其壇。十餘人皆豪素識。則亟前止。豪豪不得逞。則大聲叱曰。老魅若知我爲何如人。共和國無迷信。我既來此。豈能復容汝在此煽惑。限汝今日爲我毀之。不然者。

將以官法繩汝翁笑曰君謂我迷信耶神之靈感能測來知往鑿鑿可徵君如不信試一叩之方知信者之不爲迷也豪慙怒戟指曰若果有靈當爲我述當日之戰功須臾乩筆走如飛書曰君尙欲言功耶君憶前在淮上時扣餉若干吞額若干乾沒者復若干遭際時會得成功名君猶欲自以爲功耶某隊官之靈已控君於泰山主者以君根器尙厚暫緩拘繫然見証之翠花則已經到案矣豪初猶僥強繼乃色變面若死灰已而乩判曰君旣知已過尙有補救之方願之否豪此時英氣不覺都盡卽應曰願之乩判曰願之者速以金卹死者家且努力公益事業嗣後宜戒飭毋恣橫庶幾免就死遂不動更叩之寂然翁曰神去矣豪跟蹤走歸越數日意少定則疑翁詐翠花者正陽土娼也使探之果三日前死矣乃懼一如翁言久之翁子醉中偶洩其事蓋某隊官者故與豪同鄉里素相識也未光復之先兩人皆睚翠花嘗爭而劇鬥豪甚銜之光復之際適居其部下會兵士噪變然非某所部也豪竟歸罪於某遂殺之翁偵得其事及其軍前所行爲惡豪之橫特假神以窘之豪入其彀中曾不自知也語寧聞豪謀所以復翁者不得聞年餘翁舉家他徙豪亦以此沮喪不復能自雄焉

陳打虎

樂安陳五善拳勇好氣義一時號陳打虎以其曾獨力斃一虎也其斃虎時年可十二肢體筋力初非有異於常兒也方與羣兒戲田中而虎暴至攫一兒去衆驚爭走陳獨躍而前手掣虎尾力曳之不能禁則堅握虎陰虎舍口中兒反坐陳於身下壓垂斃猶不釋兒匍匐歸己而衆持械來見虎方坐皆錯愕不敢進遙以槍擊之虎忽然大吼躍起丈餘衆駭而稍卻虎入林去視五氣息殆絕手猶掙得虎卵也明日少蘇有潘某者老拳師也聞之自踵門求治出藥和洒灌之且周揉其體七日而愈由是師潘數年盡傳其技潘爲客任護衛途遇盜與鬪殪三人盜恨之潘護貨既畢而歸忽有皂隸來扣門潘出示以牒則殺人越貨之案也逮至官潘不承則掠治之潘呼曰天乎予固捕盜者也而以盜黨見証若堂堂翎頂日坐堂上乃受盜賄誣平民若自審之若與我執盜黨者官怒竟誣以定讞是時五往來江湖已結誠某山匪首黎大興者蓋亦以競技相識者也黎爲人尤梟俠雖爲盜獨仇官吏若孤弱者且戒所部慎護之毋有他虞陳聞師被繫走告黎謀劫獄黎極力贊同一夕大風雨陳因之直破獄門潘傷重已奄奄欲斃陳負之於背越峻垣數重禁卒不能禦遂逸去至黎所匿而着之陳衣不解帶凡三日潘乃醒顧見身在溫榻上陳黎左右侍大異之陳舉以告潘恍然

不悅曰。方事之始。以僕武健。非不能逃者。特不欲抵觸法律。以伸冤枉耳。爾輩奈何如是。憤不食。黎力勸始少進。復數日。忽不見。陳偵之。則自投控於省中矣。大吏以劫獄之舉。謂潘通盜有據。竟寘潘於法。陳聞之。憐潘之愚。而又幸已之未波及也。益謀所以報之者。一日。縣令視事。忽失其印。大窘。遍索不得。俄延兩日。遂自縊死。其事乃彰。後任者至。印自在案上。下壓片。陳打虎也。問知陳爲有名勇士。懼不復追。陳亦逸去。凡十餘年。鄉里無復聞其名者。一歲大旱。糜麥盡稿。鄉人方聚泣。忽有客自遠方來。挾多金爲賑。衆感異之。問客不識也。爭謝之。客曰。非我也。貴籍陳君耳。衆語所以。客曰。吾藥商也。每販藥多。自川中。今歲又裹糧入川。道出錦屏山下。宿一逆旅。夜分有呼噪而來者。凡十餘人。各執火炬利刃。肆搜括。且以刃加頸。逼吾獻金。吾不敢拒。已盡與之矣。忽然來一道人。出叱盜。盜遽伏不敢動。道人頤指令盜悉返客貨。并爲裝置包裹。如故乃叱去。道人顧吾儕曰。吾令兒輩居山中。日夜伺貪官汙吏爲小民一洩忿。何圖乃驚及諸君。吾出山未久。彼等遽如是。吾歸必盡責之。因一一問衆人姓名。亦自言姓名籍貫。因問吾販藥四方。亦曾至其鄉里否。吾答以當往渠探懷出黃金十笏。授吾爲言。家鄉饑饉。幸便道賑之。并言某某幾家囤粟最多。可往商之。彼如不肯。則告以某。

時某事必不吾吝。某事者。閩粟家之隱事也。客如言其家大懼以平價糶出而賑焉。明年歲大熟。鄉人感之。爲立木主。歲時祀焉。其鄉人有往還蜀中者。求之竟不得。

莊鏡芬

莊鏡芬。關中一瘍醫也。善爲藥。凡所投。皆立效。然好利。殊甚。每爲人治。輒先投暴烈之劑。令藥爛切骨。羣醫皆束手。已乃要挾重利。始允治之。以是致千金。有弟曰鏡宇。亦能醫。然不善。乃兄所爲。凡所治。皆務全活。然未嘗有赫赫之功。以是名譽視乃兄。有遜。鏡芬視之。亦蔑如也。夏日。鏡芬自田間歸。遇雨。避叢祠中。日暮。雨不止。有數人類僮僕者。匆匆來。身首皆泥塗。沾濕。一入門。且拂拭。且埋怨。曰。令我急尋莊先生。先生乃外出。沾濡如此。歸去。又當不免責罵我。遲蹇哉。莊聞言。不禁撓言。曰。諸君自城中來耶。曰。然。主人愛姬。病命往城中求莊先生。乃不值。歸途。又盛雨如此。那得不怨。莊曰。諸君所求其瘍醫耶。此人卽我是也。衆色猶豫。莊自道鄉里籍貫。且指藥籠示之。衆乃信焉。會雨亦止。衆力爲之肩行李。雇輿馬。擁之以行。東出二十餘里。有村曰王莊者。莊平時亦嘗往來其間者也。旣入莊。有崇墉巨第。中一老者。七十餘降階而迎。鬚髮如雪。而矍鑠若少年。旣就座。翁乃自言。金姓。爲邊將二十年。近甫旋里。

愛妾病乳。岳聞先生名，特乞一施。妙手莊入診，訖解藥囊，出藥調劑，以進。并言：孰爲外敷者？內託者？主人一一誌之。廼顧侍婢，令如法施治。是夜設宴，款待翁二子爲主人執禮甚恭。酒罷，送莊入廳。事側一書室，中衾褥樸而潔，壁間所懸皆古字畫。莊念金爲將日久，宜挾多金歸里，觀此鋪陳，便可想見頃間一劑，足以困此姝姝。千金萬金不患其不如願，以償也。思念久之，倚枕一覺，天明聞譁聲驚起，自壁隙潛窺之。主人方坐廳事，昨遇之僮僕俯伏。墻下主人叱曰：「奴才，昨令汝請莊鏡宇先生，汝輩何往者？」乃以此賊塞責。耶！今果爲所中矣。將奈何？汝儕其據實自陳。墻下僕具言：昨日遇雨，狀主人慙作色，命鞭之。僕宛轉哀求，主人命更往請莊鏡宇先生來。墻下僕聞然應，須臾主僕皆散，心怯甚，欲遁而側門堅鎖，不得出。日將午，傳呼莊先生真至矣。須臾履聲橐橐入內室，已而復出。第聞主人云：「恨愛姬爲奴輩所誤，敢問先生尙可救否？」復聞應聲曰：「主人毋憂，尙可救也。」主人又曰：「今尙鎖此奴於此，備萬一不虞，將烹之以祭亡人耳。」莊聞言，駭汗雨下，囊毒手妄施。今茲悔且無及。彼武夫蔑視法紀，倘有不幸者，將如何？周視室中日暮，僮僕竟不餽食，忽風過，隱約似內室有哭聲，徬徨無計，瞥見床下竹竿一念少時，嘗習爲緣竿之技。事且迫，試爲之，卽引竿倚東牆，急攀援登牆疾走，冒

夜。狂。奔。三。鼓。叩。城。入。至。家。不。敢。言。也。越。數。日。聞。莊。鏡。宇。者。已。有。人。爲。之。安。匾。旌。頌。知。金。氏。妾。必。未。死。蓋。愈。而。謝。醫。也。心。少。定。是。夜。聞。叩。門。聲。啓。視。闔。無。人。惟。藥。籠。在。焉。發。之。忽。青。煙。自。中。起。有。物。類。火。花。者。直。冒。而。上。兩。目。皆。迷。揉。之。不。愈。竟。至。失。明。不。能。復。懸。壺。而。莊。鏡。宇。者。其。名。譽。乃。日。益。大。振。

櫻兒

淮。安。地。綰。南。北。當。輪。舟。鐵。路。未。興。之。時。凡。入。京。者。無。水。旱。皆。取。道。於。斯。而。充。濟。之。間。素。多。盜。賊。往。往。行。剽。于。途。行。客。患。之。則。以。重。金。募。勇。士。爲。衛。以。是。工。技。擊。者。萃。焉。近。歲。以。來。交。通。益。便。跳。刀。拍。張。之。徒。往。往。困。頓。老。死。於。里。巷。無。所。一。試。其。長。時。勢。之。變。遷。於。此。可。見。而。其。生。計。之。局。促。亦。可。哀。也。吾。友。劉。君。博。學。工。詩。嘗。慕。遊。淮。上。值。春。光。明。媚。携。斗。酒。雙。柑。爲。踏。青。之。遊。城。隈。有。隙。地。廣。可。數。畝。平。時。荒。烟。蔓。草。之。所。叢。也。是。日。乃。聚。數。百。人。環。而。立。焉。怪。之。亟。往。觀。則。角。觥。之。戲。也。老。叟。一。年。可。七。十。餘。揎。拳。曲。踊。作。熊。經。鳥。伸。龍。臥。虎。跳。諸。戲。雖。衣。履。垢。敝。而。神。氣。灑。如。一。垂。髫。女。郎。梳。墮。馬。髻。著。小。蠻。靴。布。衣。素。裙。襪。襪。然。與。叟。對。舞。已。而。叟。顧。衆。曰。僕。老。江。湖。六。十。年。矣。不。幸。晚。歲。遭。際。速。遒。技。等。屠。龍。學。成。無。用。祇。得。藉。生。平。身。手。丐。食。四。方。一。

家飄零。僅此孫女。老死無所卹。此零丁兒。殊可憐。諸君能稍稍相濟乎。此時場中。亦有投錢者。翁手筐一。一拾之。訖嘆曰。勞碌半日。所得僅如許耳。何圖我風燭餘年。竟落拓乃爾也。時則場中觀者漸散。劉兒翁狀況一時有感。卽探囊出十金授翁。翁受之不辭。惟審諦劉面。備問姓名。居住。始稱謝去。劉亦自歸。蓋偶然興到。尋亦置之。後數日。翁忽携女叩門求見。談少年躍馬橫戈事。悽咽不勝已。而自撫銀髯曰。老矣。不知更得幾年。所懸懸於心者。獨此孫女耳。曩者近郊一見。知君爲慷慨豪爽人也。亦哀其弱羽輕塵。而任所寄託乎。劉故好事。然謹慎自持。無他妄念。卽亂以他辭。翁顧女曰。櫻兒試爲劉君起舞。女蹇衣起。身輕若燕。衣袂舒緩。帶裳飄蕭。俄而漸緊。如閒雲一片。左右盤旋。颯颯風來。恍似青鸞蹴霧也。旣而斂手端立。寂然無聲。香喘不聞。玉釵不顫。翁曰。此俞家法也。君雖書生。亦嘗聞之否。女坐翁次。兩鬢微丹。低頭拈帶。偶秋波微掠。若不勝情者。劉亦心動。旣而意決。乃告翁。當爲謀一快壻。以安晚年。翁起辭去。自是不復見。劉事後追思。不勝悵惘。賦長句三十韻。紀之。有春花秋月。今生了大道長隄。舊夢寒之句。爲一時傳誦。云翁王姓清河人也。

宣城老父

謝生毓言。蕪湖人家有別業在宣城。叔父居焉。叔父老而無子。皖俗一子兩祧者則各娶一妻。不同居處而爲之。夫者時時往來其間。生嗣爲叔父子。且爲之娶妻往還。觀省常夏日自蕪來宣。去城三十里。暴雨驟至。行不數里而山水發急。策馬望高趨避。亂山中遙見一破廟。疾入焉。廟中先有一老父在。敝衣稿項。髮白如銀。絲蓬鬆披拂。坐久之。雨不止。腹飢甚。行篋中攜有餅餌。取啖之。顧老父亦有欲色。卽並奉之。已而雨止。山水亦退。新月一輪自山缺上。四顧荒涼。不知何許。老父忽顧生曰。君何往。曰。入城耳。老父曰。遠矣。夜深山中多猛獸。大道多盜賊。君烏能行者。寒舍相距不遠。盍同往爲一夕之盤桓乎。生曰。善。於是行囊置馬背。牽馬從老父行。曲折二三里皆生平所未習。俄聞犬吠聲。則茅舍數楹在山坳中有媼倚門望。老父肅客入室。不甚廣而甚雅潔。媼爲客烘濕衣。老父牽馬秣之。生奔波疲極卸裝就草榻眠。四更向盡。忽人聲由遠而近。雜以馬蹄得得聲。驚醒須臾。聞室外語聲。壁隙窺之。黑暗所見。惟聞有人喃喃若報告者。俄聞老父叱曰。教汝往懲治某人。某人不過鋤暴誅奸。豈因以爲利耶。汝往誅其人。復劫其財。又盜其侍兒。何耶。聞答辯聲。若不服者。翁呼同行者爲質證。其人辭窮。惟曰。阿爺恕兒。兒下次不再犯。老父曰。尙容再犯耶。不殺汝。人將謂我私。